

娑羅館清言

正續

屠隆著

中華書局

娑羅館清言

此據寶顏堂秘笈
本排印初編各叢
書僅有此本

清言叙一

東海屠 隆緯真甫纂

夫掩室摩竭。杜口毘耶。不二法門。從無言入。奈何嘷嘷。鸞公訓勅。諄諄。以饒舌見戒。余終不能改。如蕭寥松篁。風來則響。閒關林鳥。春至則鳴。誰得而禁之。余于詩文外。纂一書。譚大人之際。命曰鴻苞。積二十卷。吳郡管登之遺書。規我必無遠播。通都姑皮之篋。筭古至人著書。多自道成名。根盡後。子期未至。何急而擊鼓。以求亡羊爲。余受其誡。秘焉。園居無事。技癢不能抑。則以蒲團銷之。跣趺出定。意興偶到。輒命墨卿曇花。彩毫紛然。竝作游戲之語。復有清言。今而始伏。習氣難除。清障難斷。鸞公眞神人。早見及此矣。雖然。余之爲清言。能使愁人立喜。熱夫就涼。若披惠風。若飲甘露。卽令鸞公見之。亦或爲一解頤。昔鳩摩示遺命。茶毗而留舌不毀。以爲驗。余舌端隱隱現青蓮花一片矣。庚子秋八月書于包氏舊草堂。

清言叙二

夫大道之旨。書不盡言。西方以來。教亦多術。然而誦文書義。則失魚何取。忘筌揮塵。晤言則一日便當千載。故知見斗生悟。絕照由心。顧影興言。精思出要。用以化誘。悉俗何須萬論千經。若夫指點沈淪。只取單詞隻語。此緯真先生清言所由作也。先生積思玄通。孤情直上。每於松風雲月。禪坐相偶。研思因果。証徹圓明。痛延門作活者。認六賊爲己身。噴到岸尋船者。執菩提爲實相。以致欲坑墮落。皆緣心念紛飛。用揭善誘之門。著情遷之訓。擬諸甘露。比于惠風。維時誦習之者。如樞密透關。麾扇便知脫灑。若中丞大悟。看火幡然撥衣。先生自序云。能使愁人立喜。熱夫就涼。良不虛矣。庭有坊刻。矜慎不傳。于是守拙上人。復壽諸梨棗。上人乘佛理以御心。假斯文爲宗錄。謂變化物由心作。受想宜除。而行爾不在多言。提撕貴約。故有能了清語之意者。將金面棋盤。一時拍碎。而吉祥妙喜。虛室洞明。先生實普度乎來茲。上人豈小補于禪定。可謂克明明德。無忝徽音者矣。嗟夫。淵源淡泊。則釋門不異於禪。宗旨神光。則儒道本通于佛。倘指掌而意喻。則目擊而道存。如其將心覓心。不免因我喪我。幾失清言之意矣。守拙名性能。廣陵人。

古鄞後學章載道纂

娑羅館清言卷上

東海屠 隆緯真甫著

子房虎嘯。安期生豹隱。於海濱。藥師龍驤。魏先生螻屈于窟穴。緊豈異才。寔命不同。三九大老。紫綬貂冠。得意哉。黃梁公案。二八佳人。翠眉蟬鬢。銷魂也。白骨生涯。

口中不設雌黃。眉端不挂煩惱。可稱烟火神仙。隨宜而栽花竹。適性以養禽魚。此是山林經濟。風晨月夕。客去後。蒲團可以雙跏。烟島雲林。興來時。竹杖何妨獨往。

覆雨翻雲何險也。論人情。只合杜門。嘲風弄月。忽頽然。全天真。且須對酒。道上紅塵。江中白浪。饒他南面百城。花間明月。松下涼風。輸我北窗一枕。

淨几明窗。好香苦茗。有時與高衲談禪。荳棚菜圃。暖日和風。無事聽閒人說鬼。老去自覺萬緣都盡。郵管人是人非。春來尙有一事關心。只在花開花謝。

甜苦備嘗好丟手。世味渾如嚼蠟。生死事大。急回頭。年光疾于跳丸。無物能牢。何況蠢茲皮袋。有形皆壞。不聞爛卻虛空。

坐禪而不明心。取骨頭爲工課。馬祖戒于磨甑。談經而不見性。鑽故紙作生涯。達摩所以面壁。草色花香。游人賞其有趣。桃開梅謝。達士悟其無常。

修淨土者。自淨其心。方寸居然。蓮界學坐禪者。達禪之理。大地盡作蒲團。立心而認骨肉太親。則人緣難遣。學道而求形神俱在。則我相未融。

錫粘油膩。牽纏最是愛河。瞎引盲趨。展轉投于苦海。非大雄氏。誰能拯之。

知事理原有頓漸。則南北之宗門不廢。知升墜分于情想。則過現之因果昭然。若無後來報應。則造物何以謝顏。回除却永劫災殃。則上帝胡獨私曹操。

禿鬚黃面。揣骨法。豈有如許公侯。道氣文心。標風流。亦是可兒措大。

招客留賓。爲儘可喜。未斷塵世之攀緣。澆花種樹。嗜好雖清。亦是道人之魔障。

角弓玉劍。桃花馬上春衫。猶憶少年俠氣。瘦瓢膽瓶。貝葉齋中夜衲。獨存老去禪心。

寶籙祈仙。金函禮佛。造物尚不得牢籠。褐衣披體。破帽蒙頭。君相又安能陶鑄。

臨池獨照。喜看魚子跳波。繞徑閒行。忽見蘭芽出土。亦小有致。時復欣然。

盤餐一菜。永絕腥膻。飯僧宴客。何煩六甲行廚。茆屋三楹。僅蔽風雨。掃地焚香。安用數重縛帚。未見元放。

儵然。尙覺右丞多事。

菜甲初肥。美于熟酪。蓴絲既長。潤比羊酥。

楊柳岸蘆葦汀池邊。須有野鳥。方稱山居。香積飯水。田衣齋頭。纔著比丘。便成幽趣。

竹風一陣。飄颻茶竈。疎烟梅月。半彎掩映。書窗殘雪。眞使人心骨俱冷。體氣欲仙。

登華子岡。月夜犬聲若豹。遊赤壁磯。秋江鶴影如人。但想前賢。神明開滌。

山河天眼裏。不知山河卽是天眼。世界法身中。不知世界卽是法身。

如來爲凡夫說空。以凡夫著有。故爲二乘人說有。以二乘人沉空。故著有。則入輪轉之途。沉空則礙普度之路。是故大聖人。銷有以入空。一法不立。從空以出。有萬法森然。

黃蘗淡飯。允宜山澤之臚。曲几匡床。久絕華清之夢。

棺則朽于木。櫛則朽于土。土木何勞分別。沉則化于水。焚則化于火。火水安用商量。

紅潤凝脂。花上纔過微雨。翠勻淺黛。柳邊乍拂輕風。問婦索釀。甕有新芻。呼童煮茶。門臨好客。先生此時。情興何如。

痴矣狂客。酷好賓朋。賢哉細君。無違夫子。醉人盈座。簪裾半盡。酒家食客滿堂。瓶甕不離米肆。燈獨整整。且耽夜酌。鑿烟寂寂。安問晨炊。生來不解攢眉。老去彌堪鼓腹。

若想錢而錢來。何故不想。若愁米而米至。人固當愁。曉起依舊貧窮。夜來徒多煩惱。

白仲奇窮。悍婦同于馮衍。德園高隱。孤居頗似王維。我固當勝之。

明霞可愛。瞬眼而輒空。流水堪聽。過耳而不戀。人能以明霞視美色。則業障自輕。人能以流水聽絃歌。則性靈何害。

詩堪適性。笑子美之苦吟。酒可怡情。嫌淵明之酷嗜。若詩而嫉妬爭名。豈云適性。若酒而猖狂罵座。安取

怡情。

鑠金玷玉。從來不乏彼讒人。沈垢索瘢。尤好求多于佳士。止作疾風過耳。何妨微雲點空。學道歷千魔而莫退。遇辱堅百忍以自持。到底無損毫毛。轉使人稱盛德。當時之神氣不亂。入夜之魂夢亦清。

金吾厚享千鍾。命慳于豆醬。學士御食二器。數定于橘湯。余幼丁貧賤。每藜藿之飯不充。壯忽持齋。想肉食之簿已盡。

大臣雅度。嫌王勃之特才。明主知人。想李白之薄福。盈庭滿座。斷結駟于貴人。累牘連篇。絕八行于政府。

情塵既盡。心鏡遂明。外影何如內照。幻泡一消。性珠自朗。世瑤原是家珍。

善謔浪好談諧。吐語傷于過綺。取快佐驩。亦無大害。揚隱微。談中善。爲德無乃太涼。積愆消福。吾鄙戒之。人生于五行。亦死于五行。恩裏由來生害。道壞于六賊。亦成于六賊。妙處只在轉關。

雲棲蓮老。佛隴燈公。嶺表愁山。湖南窮介。有西方美人之思。碧浪朱生。西冷虞氏。湘靈逸客。鏡水隱鱗。有天際真人之想。

聰明而修潔。上帝固錄清虛。文采而貪殘。冥官不愛詞賦。

凡夫迷真而逐妄。智慧化爲識神。譬之水湧爲波。不離此水。聖人悟妄而歸真。識神轉爲智慧。譬之波平。

爲水當體無波。

樓前桐葉散爲一院清陰。枕上鳥聲喚起半窗紅日。
一泓濠上。便同莊叟之觀。片石林間。堪下米顛之拜。
天上兩輪逐電。晝夜不休。人間二鼠噬藤。剝那欲斷。
立雪斷臂。祗緣藝壓當行。擘面攔胸。直是酒逢知己。
噉飯著衣。生世無補。飾巾待壻。顧影多慙。庶幾哉。白魚蠹簡。食奇字于腹中。黃鳥度枝。遺好音于世上。
比丘鼻臭。荷香來池。神見斥童子。乃以香嚴而圓通。元卿目玩宮卉。爲天神所呵。古德有因桃花而悟道。
翠微僧至。衲衣全染松雲。斗室經殘。石磬半沉蕉雨。
水色澄鮮。魚排荇而徑度。林光澹蕩。鳥拂閣以低飛。曲徑烟深。路接杏花酒舍。澄江日落。門通楊柳漁家。
催租吏只問家僮。知主人之不理生產。收稼奴逕達主母。笑先生之向如外賓。
八關齋久何敢然。寄輿于持螯。五斗量慳聊復爾。托名于泛蠖。
侶猿猴。友虎豹。不能孫登之穴居。馴鳥雀。畜鳧魚。頗似何點之野逸。
高人品格。既有媿井丹潔身。名士風流。亦不至相如慢世。
天討有罪。生來幸免馬驢。世棄不才。隱去敢云鴻豹。

有分有限。耗星臨宮。顧我論萬事。總不如人。無慮無憂。天喜坐命。贏人只一籌。至要在我。持論絕無鬼神。見恠形而驚怖。平居力詆仙佛。遇疾病而修齋。儒者可笑如此。稱柴數米。時翻名理于廣筵。媚竈乞福。日挂山林于齒頰。高人其可信乎。

爲龍爲蛇。生旣謝陽秋于太史。呼牛呼馬。死亦一任彼月旦于時人。

以文章爲游戲。將希劉勰逃禪。看齒髮之衰頹。自信鮑昭才盡。

荆扉纔掩。便逢客過。掃門飯粟一空。輒有人求譽慕。萬事從來是命。一毫夫豈由人。

家坐無聊。不念食力擔夫。紅塵赤日。汝官不達。尙有高才秀士。白首青襟。

峰巒窈窕。一拳便是名山。花竹扶疎。半畝何如金谷。

少文五岳輿聊託于臥遊。元亮一園趣果成于日涉。

月出青松。光映琉璃。夜火風搖。翠篠寒生。宰塔秋烟。

虛空不拒諸相。至人豈畏萬緣。是非場裏。出入逍遙。逆順境中。縱橫自在。竹密何妨水過。山高不碍雲飛。

孔孟以經常治世。不欲炫奇怪以駭時。釋老以妙道度人。故每現神通以聳衆。

凡情自縛。則搏沙捻土。一身纏爲葛藤。空觀一成。則割水吹毛。四大等于枯木。

薰蒸德香。則果未成。而靈根漸長。熬煎欲火。則目未瞑。而惡趣現前。

喫菜而生美好揀擇。則喫菜不異喫葷。作善而求自高勝人。則作善還同作惡。

人若知道。則隨境皆安。人不知道。則觸塗成滯。人不知道。則居鬧市生翳雜之心。將蕩無定止。居深山起岑寂之想。或轉憶炎器。人若知道。則履喧而靈臺寂若。何有遷流。境寂而真性沖融。不生枯槁。英雄降服勁敵。未必能降一心。大將調御諸軍。未必能調六氣。故姬亡楚帳。霸王未免情哀。疽發彭城。老翁終以憤死。

來鳴禽于嘉樹。音聞兩寂。悟圓通耳根。印朗月于澄波。色相俱空。領清虛眼界。雨過天清。會妙用之無碍。鳥來雲去。得自性之真如。



娑羅館清言卷下

梅檀之形。能出門而迎佛。虎丘之石。解聽法而點頭。故知山河大地。咸見真如。瓦礫泥沙。竝存佛性。酬應將迎。世人奔其羶行。消磨折損。造物畏其虛名。

世界極于大千。不知大千之外。更有何物。天宮極于非想。不知非想之上。畢竟何窮。吾嘗于此茫然。安得問之大覺。

衰年嶺表餘生。相傳仙去。隣媪夜哭還券。垂老無家。每想斯人。潸然欲涕。

雲長香火。千載遍于華夷。坡老姓名。至今口于孺孺。意氣精神。不可消滅如此。慧遠臨終。檢戒于食蜜。薩真濟渡。留錢于空舟。古德慎行至此。使人心志凜然。

三徑竹間。日華澹澹。固野客之良辰。一編窗下。風雨瀟瀟。亦幽人之好景。

春衣杜陵。急管平樂。真稱名士之風流。雨中山果。燈下草蟲。想見高人之胸次。好散阿堵。亦復不能積書。趣在箇中。平生只愛種樹。

醇醪百斛。不如一味太和之湯。良藥千包。不如一服清涼之散。

精想情堅。思女因而化石。磨礱功久。鐵杵且會成針。今人纔學修行。便希得證。稍不見效。輒退初心。道其可幾乎。

不是鄰侯著眼。懶殘只一丐者。若非豐干饒舌。寒拾兩箇火頭。
灘邊杖屨。送僧花鬚。骨于巾角。石上壺觴。坐客松子。落我衣裾。
待月看雲。偶見鶴形之使。焚香掃室。時迎鳥爪之姑。

鳴騶呵殿。歌兒挈傀儡于場中。揭地掀天。童子弄形影于燈下。

張三不是他。李四亦不是他。總認郵亭爲本宅。長卿不是我。緯真亦不是我。莫把并州作故鄉。風翻貝葉。
絕勝北闕除書。水滴蓮花。何似華清宮漏。

一室經行。賢于九衢奔走。六時禮佛。清于五夜朝天。

鳴琴流水。疑魴鮪之來聽。散帙當軒。喜藤竹之交鬻。
娟娟月露。下簷蔔而生香。嫋嫋山風。入松篁而成韻。

閑情清曠。未解習鍛之機。野性蕭疎。耻作投梭之達。
負荅而罵庖犧。繫開渾沌。采薇而薄周武。決裂堤防。

善星腹笥。部藏不免泥犂。雲光口墜。天花難逃閻老。所以初祖來自迦毗。盡掃文字。室利往參摩詰。悉杜
語言。

太原則哲。幾畜疑于掇煤。瑯琊故知。竟因讒而投杼。嗚呼。知己難哉。吾欲挽九原而起鮑叔。取千金以贖
子期。

陳思逸藻。僅朱邱于遮須。庾信高才。乃蟠形于地府。身後結局如此。眼前文興索然。觀號千秋。吾媿賀老之捨宅。樓高三級。復慙都水之栖真。物在亦不苦留。期到備然便去。周槃營產。原從車子而償逋。韓相卜居。乃爲木工而定碶。凡事前定。如斯世人計較可息。靈運才高。不入白蓮之社。裴休詩好。何關黃蘗之宗。故子昂杜甫韻語。騁意氣于秋林。寒山船子吟哦。寫性靈于天竊。寫性靈者。佛祖來印。騁意氣者。道人指呵。

室無長物。心本宅乎清虛。門多雜賓。性不近乎狷介。行誼雖無大損。淨業未免有妨。

據床嗜爾。聽豪士之譚鋒。把盞醒然。看酒人之醉態。

大臣赫赫。甫丘墓便已就荒。文士沾沾。問姓名多云不識。名利至此。使人心灰。

夫人有絕技。必傳。有至性。不朽。靈心巧思。魯般以木匠千秋。報主存孤。李善以傭奴百世。

核人貴實。浮論難憑。從古聖賢。不能無謗。試問釋迦于移山之口。佛云乎哉。叩宣尼于伐木之夫。何聖之有。

道人好看花竹。寄託聊以適情。居士偶聽絃歌。不染何妨入道。情曠亦自有致。寂寞無令太枯。

眉睫纒交。夢裏便不能主張。眼光落地。死去又安得分明。故學道之法無多。只在一心不亂。

戴髮含齒。生幸托于中華。方袍圓冠。名復綴于下土。田園雖少。負郭妻孥尙免飢寒。榮期之樂已多。老氏之學知足。

若富貴貧窮。由我力取。則造物爲無權。若毀譽噴喜。隨人脚根。則讒夫愈得志。

世法須從身試。大道不在口譚。暇日清言有味。恐于實際無當。猝然遇境不撓。此是學問得力。袁盎報十世之仇。不知雖經萬劫。而必報。師子債殺命之債。不知雖遭小債。而必償。萌芽各認根苗。點滴不芟檐溜。罪在則福不集。福少則行難圓。此聖賢之所以慎作業也。

口奉清齋。過客時供梁肉。身衣短褐。兒童或曳羅衫。固知供奉之綺裘。不富于公孫之布被。

冤家恩愛。心常作平等之觀。上帝悲田。眼不見可憎之物。性鮮貪噴。六時畏作惡趣。心能領略。四季都是良辰。昔人不云乎。此老終當以樂死。青谿白石。倏生瀟灑之懷。黑霧黃埃。便起炎鬻之念。此是心依境轉。恐于學道無常。必也月隨雲走。月竟不移。岸逐舟行。岸終自若。則幾矣。

醒時思作佳夢。夢去未必如所思。生前念佛修行。死後猶恐忘初念。何也。衆生奔馳情識。一往易昏。學人積累熏修。務求根熟。

隔壁聞釵釧聲。比丘名爲破戒。比丘之心入故也。同室與婦人處。羅什不礙成真。羅什之心不入故也。固知染淨在心。何關形迹。

方外偶過僧道。倒雙屣。急開竹戶迎來。座中倘及市朝。掩兩耳。輒敕松風吹去。

樓窺睥睨。窗中隱隱江帆。家在半村半郭。山倚精廬。松下時時清梵。人稱非俗非僧。

華屋朱門。過王侯而掉臂。黃頭歷齒。對兒子而傷心。高人之輕富貴也。易斷恩愛也。難。

觀上虞論衡笑中郎未精玄賞。讀臨川世說知晉人果善清言。

王重陽闌入臥內。馬鈺內子能知戒閣黎金甲傳。太守夫人觀破。

美人傅粉塗香。終淪于糞土。猛士格虎剗象。死制于螻蟻。古簇繡刀。舊日戰爭之地。蝕釵灰燼。昔時歌舞之場。英雄漠漠。精靈奉晉茫茫。歲月荏羅居士。釀酒治蔬。無日不延賓客。杜門禁忌。經年懶過憐家。白香山云。丘野有泉石。花竹者。靡不遊。人家有美酒。鳴琴者。靡不過。吾甚媿其言。

永明禪師云。向不遷境上。虛受輪廻。于無礙法中。自生繫縛。

瞑目跏趺。落花飄而滿几。冥心入定。鼯鼠出而行階。

掃有掃無。卽掃字而亦掃。忘形忘物。並忘字而亦忘。斯能所之雙泯。會靈心于絕代。

楊德祖家惟弱柳。我則雜稱名花。殷仲文庭只枯槐。余乃多栽茂樹。不啻過矣。

宰相匡時懶殘。豫占李泌。英雄救火鬪南。蚤識乖崖。故龍翔豹隱。大冶之鼓鑄。由天。雌伏雄飛。至人之標柄在我。